

ՀՍՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ԸՆԴՀԱՆՈՒՐ ԺՈՂՈՎԸ

1974 թ. դեկտեմբերի 12-ին տեղի ունեցավ ՀՍՍՀ ԳԱ ընդհանուր ժողովը, որին ներկա էին չեկ. ընկ. Կ. Ս. Գեմիբյանը, Ն. Խ. Հաբուսյանը, Գ. Ա. Արզումանյանը, Ս. Ս. Թավմատյանը, Լ. Պ. Ղաբրջանյանը, Հ. Մ. Բաղդասարյանը, Լ. Ա. Ստեփանյանը և Զ. Ս. Կիրակոսյանը:

Ներածական խոսքով ժողովը բացեց ՀՍՍՀ ԳԱ պրեզիդենտ, ակադեմիկոս Վ. Հ. Համբարձումյանը: Նա նշեց, որ հասարակության զարգացման գործում գիտության դերի բարձրացումը առանձնապես կարևոր է տնտեսական առաջընթացի ուղիով վստահորեն ճալող Հայկական ՍՍՀ-ի համար:

Կանգ առնելով գիտության պլանավորման հարցերի վրա, Վ. Հ. Համբարձումյանը ասաց. որ անհրաժեշտ է բոլոր ուժերն ու միջոցները կենտրոնացնել գիտական այն ուղղությունների զարգացման վրա, որոնք հանրապետությունում բավականաչափ բազա ունեն կամ էական դեր են խաղում ժողովրդական տնտեսության զարգացման գործում: Նա ընդգծեց դիտական հետազոտությունների որակի բարձրացման անհրաժեշտությունը: Վերջում են դեպքեր,— ասաց Վ. Հ. Համբարձումյանը,— երբ մենք կոլեկտիվի կամ առանձին գիտնականների առջև խնդիր ենք դնում, դրա լուծման համար միջոցներ առանձնացնում, իսկ հետո մոռանում ենք վերահսկել թեմայի կատարման ընթացքը, չենք պահանջում արդյունքները:

Վ. Հ. Համբարձումյանը կանգ առավ նաև գիտության նոր ուղղությունների զարգացման հարցի վրա: Վերջում նա նշեց, որ անհրաժեշտ է արժանավայել դիմավորել Հայաստանի՝ Ռուսաստանին միանալու 150-ամյակը: «Այս հարցում,— ընդգծեց նա,— մեծ անելիքներ ունեն հատկապես հասարակական գիտությունների ներկայացուցիչները»:

Ժողովում «Ռուսաստանի պատմական դերը հայ ժողովրդի կյանքում» զեկո:ցմամբ հանդես եկավ ՀՍՍՀ ԳԱ հասարակական գիտությունների բաժանմունքի ակադեմիկոս-քարտուղար, ակադեմիկոս Մ. Պ. Աղայանը: Նա նշեց, որ ուսում մեծ

ժողովուրդը հսկայական դեր է խաղացել շատ ժողովուրդների և հատկապես հայ ժողովրդի կյանքում: Գա առավել ակնհայտ է դառնում, երբ այսօր, մեր ժամանակի բարձունքից հետադարձ հայացք ենք ձգում մեր ժողովրդի անցյալի, նրա ամբողջ բազմադարյան պատմության վրա:

Համառոտակի կանգ առնելով հայ ժողովրդի պատմության օրհասական էջերի վրա, երբ նա շարունակ ենթարկվում էր օտար նվաճողների ասպատակություններին, զեկուցողը մանրամասնորեն քննեց հայ ժողովրդի ուսական կողմնորոշման փուլերը: Այդ կողմնորոշումը, որն իր հիմքում ունեւ տնտեսական, առևտրական և կուլտուրական վաղմի կապեր, 1828 թ. հանգեցրեց Արևելյան Հայաստանի՝ Ռուսաստանին միանալուն, հայ ժողովրդի ազատագրմանը օտար լծից: Այդ իրադարձությունը բացառիկ դեր խաղաց մեր ժողովրդի կյանքում, նրան թույլ տվեց դառնալու ուսում մեծ ժողովրդի մեծագործությունների և Վ. Ի. Լենինի գլխավորած հեղափոխական պայքարի մասնակիցը:

Հոկտեմբերյան սոցիալիստական մեծ հեղափոխությունը,— շարունակեց զեկուցողը,— պայծառ ուղի բացեց ճնշվածների և ընչազուրկների համար: Սակայն դաշնակցական արկածախնդիրների անփառունակ կառավարումը 1918—1920 թթ. երկիրը հասցրեց լիակատար քայքայման և անկման: Ավելին, 1920 թ. օտարերկրյա արշավանքի հետևանքով հայ ժողովուրդը կանգնել էր լիակատար ֆիզիկական բնաջնջման սպառնալիքի առաջ: Այդ ժայռահեղ վտանգավոր իրադրության մեջ հայ ժողովրդին օգնության եկավ Սովետական Ռուսաստանը:

Այնուհետև զեկուցողը խոսեց Հայաստանում սովետական իշխանության հաստատման պատմության դրվագների մասին: Մ. Պ. Աղայանը հիշատակեց Հովհաննես Թումանյանի և Ավետիք Իսահակյանի խոսքերը իմպերիալիզմի լծից և դաշնակցների կործանարար կառավարումից Հայաստանը փրկելու գործում ուսում մեծ ժողովրդի, Սովետական Ռուսաստանի կատարած մեծ դերի մասին: Զեկուցողը բերեց այդ ժամանակաշրջա-

նում ոռւս մեծ ժողովրդի կողմից հայ ժողովրդին
ցույց տրված տնտեսական օգնության բազմա-
թիվ օրինակները Ընդգծվեց, որ Սովետական Ռու-
սաստանն այդ օգնությունը ցույց տվեց իր հա-
մար շատ ծանր պայմաններում: «Այդ օգնությու-
նը,— ասաց Մ. Պ. Աղայանը,— հնարավոր էր
միայն ժողովուրդների բարեկամության ու նրանց
փոխըմբռնման լենինյան վեհ գաղափարի իրա-
կանացման շնորհիվ»:

Սովետական Միության ժողովուրդների եզրա-
րական ընտանիքում Հայաստանը վերածնվեց,
վերածվեց բազմաճյուղ տնտեսություն ու առա-
ջավոր տեխնիկա, բարձր զարգացած գիտություն
ու մշակույթ ունեցող հանրապետության: Հենց
սա է ոռւս մեծ ժողովրդի, նրա հեղափոխական
պրոլետարիատի, մեծ լենինի հիմնադրած կո-
մունիստական կուսակցության պատմական դերը
հայ ժողովրդի կյանքում:

ՀՍՍՀ ԳԱ ընդհանուր ժողովում տեղի ունեցան
նաև ՀՍՍՀ գիտությունների ակադեմիայի նոր
խական անդամների և թղթակից-անդամների
ընտրություններ:

Հայկական ՍՍՀ գիտությունների ակադեմիա-
յի իսկական անդամներ ընտրվեցին է. Հ. Միր-
զաբեկյանը (Ռադիոֆիզիկա և էլեկտրոնիկա),
Վ. Հ. Ղազարյանը (Բուսաբանություն և բույսերի
ֆիզիոլոգիա), Բ. Ն. Առաքելյանը (Հնագիտու-
թյուն), Գ. Բ. Ջահուկյանը (Լեզվաբանություն):

Հայկական ՍՍՀ գիտությունների ակադեմիայի
թղթակից-անդամներ ընտրվեցին Ն. Հ. Առա-
քելյանը (Մաթեմատիկա), Ս. Գ. Մացոյանը
(Քիմիա), Վ. Բ. Ֆառաբեկյանը (Մարդու և կեն-
դանիների ֆիզիոլոգիա), Հ. Գ. Բակլավաչյանը
(Մարդու և կենդանիների ֆիզիոլոգիա), է. Գ.
Աֆրիկյանը (Միկրոբիոլոգիա), Գ. Խ. Սարգս-
յանը (Արևելագիտություն), Ռ. Վ. Ջալալյանը
(Արվեստաբանություն), է. Մ. Ջալալյանը (Գը-
րականագիտություն):

Հայկական ՍՍՀ գիտությունների ակադեմիայի
օտարերկրյա անդամ ընտրվեց Փ. Չ. Հրաչը
(ԱՄՆ, Ռադիոֆիզիկա):

Ներկայումս Հայկական ՍՍՀ գիտությունների
ակադեմիայի կազմում կա 42 իսկական անդամ,
48 թղթակից-անդամ և 3 օտարերկրյա անդամ: